



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 15. An is qui contra prohibitionem venatur, piscatur, vel aucupatur,
peccat & tenetur ad restitutionem?

urn:nbn:de:hbz:466:1-40993

sylva ad principem pertinente cùm verè auferat rem alienam invito Domino.

Q. 15. *An is, qui contra prohibitionem venatur, pescatur, vel aucupatur, peccat, & tenetur ad restitutionem?*

Not. Certum est 1. Eum, qui alterum impedit à venatione, vel pescatione, ad quam jus habet, peccare, & teneri ad restitutionem probabilis lucri, quod deductis impensis ac laboribus facturus erat: quia ei injuriam infert cum damno. Eum, qui, etiam justè venando, damnum aliis infert, putà segetes proculcando, sepimenta dissipando, &c. teneri resarcire damna illata: quia alii habent jus, ne damnum patiantur in bonis suis. 3. Eum, qui occidit, aut lædit animal alterius, dum in suo prædio damnum infert, peccare graviter, & teneri ad restitutionem: quia non habet jus occidendi, aut lædandi animal alienum, sed solum expellendi, & satisfactionem exigendi; non enim ideo definit esse Domini sui, sine cuius consensu destrui non potest nisi per auctoritatem publicam.

Resp. I. Qui venatur in fundo alicujus privati invito Domino, semper peccat saltem venialiter. *Ita Covar. Medin. Lessius & alii.* quia facit ei injuriam, nam Dominus jus habet, ut nemo in suo fundo se nolente venetur, ex *Instit. de rer. divis.* & l. Item ff. de *Usu-fructu*. Quod si notabile damnum inferat, ut capiendo feras,

do feras, quas Dominus fundi venaturus erat,
& probabilit̄ capturus; vel crebrā venatio-
ne efficiendo, ut minoris aestimetur jus venan-
di, quod vendere, vel locare statuerat, peccat
mortaliter contra justitiam, & tenetur ad resti-
tutionem judicio prudentis statuendam. nam
violat jus Domini cum gravi ejus damno.

Resp. II. Qui venatur in fundo alieno sepe,
vel muro clauso, peccat graviter, & tenetur re-
stituere animalia in tali loco detenta, quæ ibi
cepit: quia ejusmodi animalia sunt Domini,
cujus est locus, cùm censeatur amisisse natu-
ralem libertatem, & jam occupata à Domino,
à quo facile apprehensi possunt. *Instit. de rer.*
divis. idem dic de eo, qui in alieno stagno, seu
vivario pescatur; quia pisces omnes ibi con-
clusi, sunt Domini loci.

Resp. III. Qui venatur, aut pescatur in loco
publico non prohibito nec ulli speciatim ad-
dicto, sed modo seu medio, vel tempore pro-
hibito, peccat mortaliter, si notabile damnum
inferat, v.g. extinguendo magnâ ex parte fe-
rinam sobolem, vel aquas inficiendo. *Lessius*
Galii, quia tunc graviter lœdit jus venandi, ac
piscandi, quod habet communitas; & spem
lucri, ac oblectationis injustè aliis eripit, vel
saltem notabiliter minuit: unde tenetur ad re-
sarcendum hoc damnum.

Resp. IV. Qui venatur in loco publico ve-
nationi principis, vel aliorum justè assignato,
semper peccat contra justitiam saltem venia-

Tom. II.

A 2

liter.

liter, & mortaliter dum notabile damnum infert, ut capiendo feras magni pretii, vel multis, ita ut princeps, vel alii qui soli jus venandi habent, non possint tot capere, quod ante solebant, vel non æquè facile, &c. *Ita Valentia, Lessius & alii.* quia tunc graviter lædit jus principis: unde tenetur ad compensationem damni, si princeps eam curet, nec contentus sit, ut deprehensi pœnam luant.

Resp. V. Qui in loco publico prohibito, vel ad privatum pertinente venatur invito Domino, licet peccet, & teneatur resarcire damnum illatum; non tamen tenetur restituere feras captas, quæ libertate naturali fruebantur: quia ejusmodi feræ sunt primò occupantis, cùm nullius sint; nisi tamen feræ libertate frumentos lege aliqua ita addicantur principi, vel bono publico, ut non cedant in dominium capientium.

Q. 16. An tributa solvi debent ex justitia?

Not. Tributum hic late sumitur nempe pro eo omni, quod Principi, vel Reip. penditur, ut & statum, ac dignitatem suam tueri, & communibus necessitatibus, ac commodis prosperare possit. Unde hac voce continetur etiam vectigal, quod pro rebus in civitatem, vel Provinciam in vectis, vel ex ea a vectis exigitur & vocatur etiam gabella.

Resp. Est obligatio justitiae solvendi justa tributa, ac vectigalia. Est commun. sent.

Prob. I.